

小 高 等 商 業 學 校			
園 書 館			
總 一 二 九 〇 號		臺 參 號	九 門 三 部



方正學先生遜志齋集卷之二十三

南京操江都御史嘉善丁賓

南京翰林院孔目仁和錢養廉

南京鴻臚寺卿歸安錢士完

南京禮部司務仁和羅大冠

南京掌翰林院諭德餘姚孫如游訂正

後學 上完姚履旋參閱

十九世裔孫方永祥重刊

古詩

蜀府敬慎齋

天降大命孔神而明巍巍天位匪德莫承赫赫聖皇天實子
之奄宅九有不冒四夷百辟是歸兆民是健何遠弗綏何悍
弗靡德威所加孰不震驚何篤愆愆以奉天明矧惟哲王有
此大國天子之祐之寵之錫君子函土厥壤注注喬岷大江
式固其疆有臣有民有隣有輔外有戎羌子微乎圍匪格以

誠孰克潛孚匪治以仁疲羸易蘇教之禦之以恩以禮壞之
訓之威武豈弟天有顯任舉集王躬惟克敬慎迺甯家邦惟
聖天子肇基百世衆建藩輔以匡來裔厥或罔恭民亦罔從
厥或弗慎下孰敢信惟王迪德懋昭大猷日宣聖學以祇天
休愔愔于思夔夔于守穆穆語言不驚左右視乎在服有秩
有倫視乎在廷紀法具陳視乎禁衛動有矩律視乎郊圻靡
有怠逸云孰致之敬慎使然惟克敬慎迺罔有愆惟爾今王
天子攸倚四國攸喜下民攸恃王于齋宮吉士邢邢教言徐
徐溫其有儀隱隱黃髮忠嘉啟告直辭靡撓不怒以笑古昔
格王永有烈光彼或慢肆福祿靡常王躬稽古天下取則宜
其邦國稽古惟王邦國以康允嗣用昌天佑大明藩輔多賢
宜于民人於千萬年

讀書齋

翼翼高齋秩秩羣經推辭繹義必敬必誠持心惟虛是受是
承立志惟篤是毅是宏恢廓其量可吞滄溟奮作其勇若捍
都城求之勿易思之勿更取之欲博約之欲精聖言何疑不
疑不明聖道何正不正不平融會其殊操植其恒朝斯夕斯
期乎有成外怯不足小德微能內有若無盜盜缶盈惟仁之
居惟義之貞霽月之明止水之澄天君明泰我縱我橫道無
不得理無不形富貴敝屣子女酷刑難玷汚辱甯過潔清大
之天下小之家庭是經是緯是章是程聖讀庸行馬牛冠纓
博覽孔殷書匱是銘允矣君子夜寐夙興惟誠惟勇有權有
衡聖訓赫臨于几于楹聖經是讀聖德是行

四月一日蒙賜宴浣花新建草堂感恩懷古偶作

靈雨過瑤堦朝陽麗金殿君王講藝餘特賜羣儒宴茲惟杜
子宅遺址當郊甸盛代仰前修高堂歛重建葺茅昭舊迹拓
地增新觀棟宇極崇華簷甍儼雕煥兩楹陳綺席僊醴兼珍
膳列坐無俗賓御恩共酬勸花溪浮砌淨雪嶺當窗見覽物
獨興懷古人如對面追思天寶後宇內疲征戰徒抱稷契心
莫覩唐虞禪薄游經險阻放意娛篇翰使獲遭聖明甯令老
貧賤人生鮮遇合自昔共嗟惋並世或棄捐千秋有相羨吾
曹獨何幸淺技蒙深眷難報國士知空爲昔賢歎江山鍾粹
美天地存幽贊仁俟英俊興重看盛文獻

近述基命錄粗載三代帝王寬厚之政以寓忠愛之
私幸徹睿覽過蒙賜詩寵褒詞旨遠復增慚荷謹依
韻略陳情以謝萬一云

明哲昔御世虛心禮賢臣令名昭簡策千秋播清芬賢王啟
大藩懿德貞且純英姿邁前烈高志企古人聖學自得師曠
代莫與鄰睿謨粲可述善政難具陳況復抱雄才著作妙入
神下筆百川湧潤澤義與仁陋儒亦何幸趨召奉絲綸恩言
寵賜褒猥謂堪致君仰惟文獻國濟濟申白賓圖治超太古
餘光能見分謹歌疑雅頌烜赫繼邱墳

齋殿觀書恭侍問燕且承賜文嘉勞無任感服謹賦詩
一首以抒下情

無爲運王化虛靜契天心神情既昭朗外誘安能侵齋居
道妙端拱肅冠襟超然萬彙表儼若上帝臨竹素粲盈前羣
言恣窺尋遐思自知要博采仍鈎深嗜古忘饑渴好善踰球
琳冥觀會衆理抗志珍分陰俯仰周乾坤瞬息貫古今人爵

已莫並天貴誰能任賑寡散倉粟贖人捐府金政教洽四境
蒼生歌德音文昭聖明喜誠格鬼神歆啗儒荷寵光避席瞻
旒簪垂歡惠顏色灑翰嘉忠忱翰海茫無涯豈復資蹄泮譬
彼一簣土甯補泰華岑受恩徒徬徨憂懷鬱欽欽鴻勳希旦
夷令名仰回參日新崇大業濟世同舟霖

臣仰德之深非言可喻謹次淵明九日詩韻敘謝萬一

至人憲天德虛心體羣生自為代工計豈為濟衆名惟王間
世才欽聖奉天明端居澹無欲四海流仁聲耄倪競稽首願
王壽千齡如彼岷峨高不騫復不傾小臣最陋劣夙受顧盼
榮孤恩愧明義念舊勞睿情臨風拭病目思見德化成

癸酉歲京府徵考試繼奉蜀王殿下命述事

鄙臣守鉅槩恩光蒙遠矚穆如首夏風煦若陽春旭才微媿

寵厚跡賤慚愛篤報德諒無階錫嘏徒有祝東京多節士我
懷管幼安騰身風塵表寵祿甯肯干子魚不相諒高位屢超
遷腐鼠欲見汚聞之媿心顏皜皜由夷姿迥出兩漢前彼哉
阿世者變滅同飛煙榮華神所戲貧賤節斯完此道匪難知
胡爲人不然禍生孰有胎福茂詎無根玄理諒不爽羣動何
紆紆商周數百載積累甚至仁允嗣豈皆賢所藉先澤存後
王昧經遠謀慮止其身於道或偶合秉心殊未純永懷極盛
時民物熙陽春孟氏好斥霸惡彼能亂真隆中有一士卓然
古天民長嘯六合間草昧思經綸寸心如白日可破萬古昏
所遇雖不諧餘輝尙燉燉使逢高光主禮樂甯沈湮惜其遺
書亡大志人罕聞如何徇利子於道不知真卑卑章句中徼
祿求潤身可貴不在位可賤不在貧無取一時好當作千載

人翠鳥質微細乃以羽自戕犀象獸之雄每因齒角亡物生
無巨小適用反相傷犬羊死柔弱虎豹死暴強彭聃死於壽
夭者死於殤萬生誰長存所貴德馨光古來志節士立身有
大方孰云蕭艾藜果勝蘭蕙芳封倫論治道盛詆習俗漓鄭
公若砥柱坐障狂瀾馳嗟此古遺直磊落胸中奇遭逢英明
君計畫得小施劉蕡豈不偉結舌竟如癡浚恒甯獨然天運
固若斯焠焠趨愈下泊滔竟何之萬事吾不識聊以善自持
始見澤腹堅又聞谷風至炎熇復能幾木葉忽已墜四序不
少停景物日夜異思之熱中腸不遑食與寐支離如病鶴顧
影獨長唳黃雀飽稻梁笑爾乖兩翅野性拙生理大化無停
機縲袍汗沃若絺綌風淒其壯士千載心豈憂食與衣由來
浮海志不見軒冕姿人生何聞道甯貴復奚爲賢有陋巷樂

聖有西山饑羸頤多所失苦節未可非

保身戒無疾制治憂小康苟操敬慎心何必求扁倉依依桃
李花安知有嚴霜松竹淡自守歲晚凌衆芳小人徒媿姍志
士多慨慷我生豈不貴萬物備天常天常既無虧貧賤果何
傷

榮華衆所慕志得虞咎愆賤貧可無憂復爲饑凍纏有能外
兩途逍遙循自然苟不悟斯道中心何由宣曰子素寡昧未
達性命原勵茲不怠操夙夜靡遑安奮庸有伊周處約有騫
淵敬承聖哲訓庶慰遲暮年

追次朱子春懷詩韻

聞鐘理短髮徐步啟荆扉不知夜雨過園林頓芳菲江山靜
妙顏雲日浮清輝殘梅落欲盡幽池水痕肥始見新歲來景

物忽如茲徒爲逝川嘆未遂滄州期及時貴取樂莫遣青春歸

舟中呈同召葉夷仲林公輔楊大中陳元豐一作

本乏適時用誤爲當世知進身媿蹇拙退處乃其宜何意承龍光使車忽來茲靡靡踰南國秩秩錫多儀嚴程不可稽王命自有期親愛俱在眼弗獲顧我私聖猷同山嶽微忠劣毫絲龜勉諒何補徒興千載思

上已約友登南樓

生意忽滿眼不知春淺深良朋曠嘉會濁酒難孤斟迢迢城上樓高朗宜遠臨曷不一舉趾縱望淵與岑逍遙羣動表舒豁萬古心古人已寂寞繼者應在今蘊直有至樂外慕非所欲嚆音舞雩詠千秋虞氏琴窮達各有適宇宙流遺音景風

生穆清佳趣溢魚禽願言領衆妙無爲鬱冲襟

次韻

春色與漢水相看兩俱深誰能當此時有酒不共斟城端聳華構賓友皆來臨東瞻太白雪西望峨眉峯縱觀八紘內洞見天地心千年等旦暮豈識古與今何友懷賢豪妄意鮮所欽慨懷隆中嘯窈眇河汾琴其人儼不忘思欲嗣徽音暢多意不盡譁笑驚飛禽清風似相知數數吹余襟

再次前韻

昔時喜飲酒舉白不辭深及茲中歲來已復畏人斟後生多所忽豈識老會臨志士惜景光登麓已知岑每聞前世事頗見古人心逝者良不息將來誰嗣今百年當有成泯滅甯足欽每憐伯牙陋鍾死破其琴自得荷堪傳何必求知音俯觀

水中儵仰觀雲際禽真樂不吾隱欣然豁煩襟

送鄭叔貞之成都

謝公江海人雅量極宏廓中年別親友猶謂懷抱惡况我禰
道士志意早衰弱辟如遶指金詎耐膏火爍豈無骨肉親相
望天一角兩生萬里至講道慰寂寞探奇忘舊悲觀妙有新
樂甯知事多忤重使嘆離索林也前歲歸重來忘曩約鄭子
今復去南行踰巘嶠成都壯麗地江水帶郭郭山窺子美堂
雲護孔明柏壯遊豈不佳觀國資所舉國儉盡耆俊政簡恒
燕醪日開百金筵坐有四方客摘毫歌盛美文彩紛烜赫卓
爾樂邦風魏乎王者宅王誠天人秀令德顏閔若神機盡經
緯大度蘊才略心融羣聖言穎銳智獨覺坐收千古秘萬理
隨綜錯尚友師徽猷姚妙靡間隔勵精施惠政民物沾德澤

至化通幽明餘恩及飛躍小心事天子放意耽簡策道積不
自盈怡怡躬吐握知名久伫望前席啟東閣立談盡歡娛至
理無適莫從容倘垂問占對慎酬酢為言寡朋儔舊業愈荒
落疑經待同勘無史期其削相須左右肱理勢不可各玉仁
極深廣夙昔受殊渥囊餘舊賜錢篋有新頒帛身為微職糾
感歎顏面忤使子能輸忠甯不副所托金門盛才彥德星耀
井絡翩翩白鳳羣豈復少一鶴惟茲山南郡士氣陋且薄古
心莫與論積疾誰為藥願子早告歸離憂變歡噓四科洙泗
道五等成周爵真知苟內充外物奚須度早麓清照人漢水
淺可濯懷哉春服成重繼咏歸作

又送叔貞之成都

空名詐當世自誤還勞人鄭子復為誰跋涉窮冬春去年赴

上國風雪迷江津徒步從我行面黑手足皴今茲有徵命欲
往志靡伸子復之成都代余陳所因念子遠遊學三年別茲
親敝衣犯緇垢斷裂莫爲紉蜀道幸坦平王化甚惠仁歷覽
快心目庶足忘苦辛諸葛政猶在少陵詩有神浩蕩觀大江
宵秀瞻峨岷心曾蘊奇偉撫事氣益振丈夫平生懷豈惟安
其身況可廣咨訪大邦多縉紳恨我不得俱惟恐孤志恩見
王再三謝念此疎遠臣

偶爾遣意奉呈同學諸君子及示叔貞秀才

累物擾靈府澹然無所爲家貧自解營萬事俱不知日餘
一斗麴給菜與糜秫田亦易畊有酒供四時門多儒雅客暇
可斟酌之相對靡俗言其談止靜書選情或深契歎笑同解
頤孰謂千古遠其人如在茲於心有至樂天地亦可遺未知

軒裳貴詎識勢位卑彼美要路仕賢勞耀輕肥窮通各有適
甯論是與非

送謝生因奉寄岐陽公

帝子謹王度大藩臻治平文風播南土四國揚休聲上公國
懿親令德惟邦禎奉恩自夙昔修貢表貞誠名馬西域來玉
勒懸珠纓金門足麒麟特受顧盼榮王昨駐中都貂蟬藹盈
庭公來必燕語禮接同友生異質況天挺至尊愛彌甥勳賢
冠當世夷夏欽盛名繼美實在茲聞望良匪輕近因師傅重
愈見德業成歷數傳萬年蒼生仰皇明豈徒本支盛股肱在
公卿海內雖已康民俗猶未甯鄙夫抱深念思親禮樂興願
公善匡輔報主以忠貞載光史臣籍永邁宗戚英靈雨洗南
麓漢光晚來盈臨流送回使懷古勸遐情

發褒城過七盤嶺宿獨架橋閣上

名爲不祥器斯理昔未覺及茲因奔走始嘆立論確險哉七盤山羊腸凌巘嶠三年八往返顛頓髮早白此行當盛夏溽暑逞餘虐晝伏避蚤宵征越林薄危橋帶褒水俯瞰波流惡鑿石勞衆工緣崖構飛閣下扶于柱壯上倚浮雲弱怒雷地底鳴懸瀑崖際落日中郵傳少過客資淒泊勞者務苟安甯思非所托更闌急雨至洪濤相噴薄鬼神助晦冥天地混磅礴病身倦輾轉酣寢絕疑愕晨興看景澄林壑還可樂有生大化中萬變相綜錯所遇聽自然何處匪安宅感聘曾申叟詠歸沂上客勞逸命分殊願俟後數禱

過滌陽

露濕塵不起曉行秋氣清遙維天崖未沒野草蟲亂鳴途中

何所見多見古軍營斷溝無新澗水荒隴存古城爲問戰者誰其人總豪英當時誇氣勢畢命恣紛爭但恨智力殫詎思時世更寂寞千載後艱勞竟何成身亡事卽已得失存空名善者或稱嘆惡者受譏評因之念首陽西顧清風生感此默自嘆白日車前明

過甯陵縣學

師道古所重義與君父同自從東漢來節行著高風繫理或訴冤死請代以躬收葬與撫孤懇惻貫蒼穹聖賢垂大法勉孝兼勸忠豈聞訟其師擠寘囹圄中執憲者何心此輩忍見容不惟素人紀實敷上帝衷至理有相關斯乃教化宗扶持罔失墜允藉參贊功未俗自悍驕童稚忘敬恭滔滔未有艾醜醜安所從我行聞怪事竊嘆徒傷恫誰操黜陟柄幸爲懲

頑克

葺書齋舊門扇

安貧未必爾才拙本無能
 一官行役歲屢仍風雪走沮
 處不得恒前人遺構築一椽
 冰三年忘葺理啟闔繫以繩
 稍修治費少力易勝人生跡
 所貴心志宏雄都多甲第華
 侵凌顧我野人貧賤分所應
 冀對康時尊酒延佳朋春風
 息養恬神虛澄庶幾謹素節
 感橙樹有作有序

喜脩德汝器二君子偕嘉猷秀才至

宛宛心所慕盈盈日興思
 沉瘵杜門謝親知猶獨莫與
 與後世期放情簡冊間庶以
 馳非子秉冲襟疇能無棄遺
 偶有適四座生涼颺久乏經
 流光迅難追慨餘喜膏會豈
 丕基

又

孟春期過我仲夏始來翔
 遠道各據天一方言歸雖有
 翮鷄鷺場時逢涼颺發仰首
 同里居會合猶莫常何況涉
 期心思詎能忘我如失羣鶴
 歛

荒知時識天敘豈慕稍與梁哲兄富文學簪筆侍賢王愛國
心事苦念親夢魂長朝退寢室靜閱書焚妙香賓僚各雨散
思子不在旁子去義所安講道信有望山河壯都會圖譜有
餘芳吊古考隆替撫時推興亡賈傳論過秦杜生賦阿房千
秋繼奇偉亦足宣慨慷顧惟河洛間神邱鬱相當遠思百聖
烈近想羣賢臧載瞻伊水濱二龍宣重光和貞各詣極崇眇
交揮揚後來闔衡傑闡述爛昭章匪是成靈秘正途已微茫
願子奮遐躅整策趨康莊明明吾所懷暨暨宜力將幽獨靜
自憫內視德甚涼方忻麗澤益垂析情增傷遲子卽來旋緬
跡鴛鴦行墜緒俟並緝他歧冀同攘重開萬古昏再覩斯民
昌深期實在茲抱瘵語莫詳行當重執手毋使熱中腸
次鄭好義見貽韻五首

鄭子好古學天機靜而深冲然舞雩詠中有咸韶音茅舍帶
流水琴書闕清陰遊魚戲晴波好鳥鳴遠林那得一笑樂洗
此千古心

赤驥困阜樞垂頭避駑駘玉良振長轡蹴踏風雲開古來功
名際何代無奇才當其未遇時誰免蒙塵埃丈夫亮有命勿
使心顏頹

少時見白日意謂手可扳仰天邈無階狂走徒顏顏尺綆愧
深汲寸管無全斑聖途千萬里用力恒苦艱安得驟飛龍倏
爾升天關

幼安老邱壑千載想高情鄙哉華子魚軒冕良可輕功名世
不少孰與節義并至樂有天貴苟得非吾榮臨風發長歎欲
為智者評

山中一樽酒慰此離別腸清夜步廣庭大星吐寒芒向來負
奇氣舉目空四方栖遲盛年至留滯天南荒君看升帝閑不
必真乘黃

乙丑中秋在石鏡精舍同士友翫月後三日家兄寄示
會飲分韻諸詩覽之悵然歎不得與因奉次來韻兼柬
鄭君好義四首

我來南山中正見秋月圓我家豈無此兄弟況滿前胡為輕
別離顧影清輝寒賴有座上客共結無窮歡愁端旋消釋言
笑各開顏寄謝兄與弟明年相對看

秋露月正好山谷氣逾清風簷敞虛牖愛此萬里明嘉賓自
遠至樂飲暢高情雄談振林谷頓令懷抱傾叢桂困荆棘時
來吐芳馨物生尚有待吾意詎無成自終良宵會難值眾美

并酒酣發長嘯似聞鸞鶴聲惟恐日易出顧影遶庭行
開樽酌月華酒味清且醺吐氣長風生吹滅天際雲此身與
宇宙誰主復誰賓有生道為貴萬事何足論苦節慕夷齊延
年稱羨門僊凡兩冥漠奸雄猶啖吞山棲未為隱頗喜離俗
氛固窮固非潔用世豈吾仁

昏昏坐平旦兀兀行薄暮豈乏往來人幽懷寡清晤解源漚
曩濬理窟增舊錮幸子有佳期欣然寫衷素立談相應發妙
理獨超悟頗憚尊酌煩易覺光景度詘身違道遠高世遺眾
慙勉矣循大中心期永無斁

題山水

昔隱林壑中不知林壑美今來在城闕見之小翫喜楓林新
受霜茅茨隔秋水安得呼扁舟遨遊五湖裏

楊柳渡

殘月墮瑤天涼風在萬樹人行野色分鳥鳴聲先曙川平愜
幽眺境勝遺塵慮日出小舟橫依依楊柳渡

宿夾江寺

窗開覺山近院涼知雨足淡月透疎櫺流螢度深竹心空慮
仍澹神清夢難熟起坐佛燈前閒抽易書讀

二蟲吟

翾翾暮光螢燭舉競飛附沒身煙焰間至死終不悟日月泉
所瞻嗟汝不一顧雖有向明心所從良已誤喧喧秋後蚊白
日嗜我肌我雖病無力掃撲亦易為憐汝營一飽未得死及
之且復縱遣去天運自有時

郭西精舍土友同宿

淹懷終歲思幸際清宵會情深新喜集語愜孤愁退離后積
頑鄙處下多尤悔倦翻謝騫騰羈蹤損貞介含悲靜自慨抱
獨招羣怪非予不我遺斯心復誰賴天寒四野寂雲歛疎星
大霜葉響枯條水灘咽鳴瀨振衣違玄覽妙趣超塵壑靜泝
一氣先虛涵萬象外林泉皆道情縻組本天械擺落已遺榮
過從敢辭慙袂疑冀閑論立儒仁明誠類風倘可還勗德期
無懈

追次文公先生歲莫燕集韻

靈臺湛無為一念寂不起外物紛相交飛揚千萬里哲人善
操養淵澄復山峙所明天爵修詎以貧賤恥豈無華軒客膏
梁飫頑鄙道義竟無聞放浪徒自責滄海從俗化悄悄為誰
美知言世所難感歎何時已

賢豪居廟堂四海爲興起時乎有不遇
醇風化閭里用爲江河流處作喬嶽時
所逢異通塞內省無欣戚紛紛夸毗輩
患失誠足鄙屈身營所欲易慍復易喜
人生貴聞道外物豈眞美千載篋瓢生
令聞傳不已

歲除祭先奉懷家兄次文公先生病中呈諸友韻

日月行不息我亦少安居違家今幾何
忽復五載餘微官誤人事解令親者疎
每思別時語不見空中書及茲歲將闌
感嘆正躊躇祀先具薄奠撫已懷厥初
觴酒豈云乏獨酌悶難祛甯當解組去
御子花間車

遊石鏡山訪親友會集諸公回途有作

世道久凋喪斯文難會并駕言山中遊
來與子同盟高齋在深谷側徑防險行
白日亦蕭散惟聞絃誦聲開筵動芳酌
與

客張垂燈持盃恣歡譁聯床如弟兄凌晨起盥櫛披襟瞰前楹
霜林凋綺葉秋花吐奇英百靈競紛集萬象森羅迎佳趣
心已領新詩誰與評良會不可常俗慮仍相縈登途數回首
暫別難爲情迴溪屢曲渡清流堪濯纓離離莫雲合矯矯孤
鴈鳴乘高望遙火彷彿識巖扃勞生幸脫鞅至道思服膺從
君來借榻樓隱謝淨名

再次石鏡精舍會集韻

風日淡秋晚欣此佳會并賢豪昔同調泉石非舊盟祇應念
違別忽作山中行雄談爲絕倒空谷騰歡聲論詩涉風雅深
夜張華燈義交無老少情親如弟兄齋中二三子侍立環兩
楹把酒起爲壽禮秩交相迎丈人名文章落紙誠世英珊瑚
與玉樹對之敢譏評乃知高世人不爲塵俗縈秋空白雲散

悠然暢遐情嗟予向樵劣夙心會響纓沉潛守編簡愁對寒
蟲鳴豈知金石韻鏗鏘振林坰重茲領秀句願言當服膺匪
徼一時譽終期千古名

野性淡無嗜不求四美并喜茲二三友同結歲寒盟願言道
義交豈慕青雲行山深寡轍跡地僻無囂聲曲几列遺編疎
籬翳寒燈疑神對賢哲況共弟與兄幽蘭藹北牖修竹羅前
楹忽聞長者車倒屣欣趨迎貌匪山澤癯器乃邦國英揚論
徹幽邃萬彙隨品評風雲時動盪川岳互廻繁霜落賢俊姿
慷慨今古情不耽好爵貴飄然解簪纓至今懷令望江海傳
詩鳴奇懷寄竹帛安居守林坰小子來問道仰德思服膺從
茲勉素美不媿知已名

太古曰已還轉覺浮偽并不聞金蘭契豈願同盤盟浮雲無

定態流水難西行滔滔勢利間豈識韶濩聲翻思機巧徒明
滅風前燈閉門絕聞見所親惟父兄丈人忽來過雅淡振軒
楹山禽競喧呼童穉亦歡迎清詩多古調妙論超時英富貴
苟不累貧賤孰能繁羣賢其舒眺萬物屬品評星斗羅奇襟
風雲動高情瞿瞿世儀表濟濟古冠纓孰知枳棘間尚有鸞
鳳鳴鹹生寡交接遊息在村坰偶茲觀美德夙與當服膺幸
托龍門賞終期崇令名

病眼喜郡守見過

目疾不飲酒昏昏心意煩忽聞郡守至出戶張開頭况視溫
粹姿復聆豈弟言乃知盛明世屬任多才賢神歡坐忘疲欲
起屢相援荀疏雨餘美細酌林花間風煖落英過日斜歸鳥
喧苦云事填委未暇蘇病遠高位不易居斯民良亦難一夫

或凍餒仁者為悲酸腐儒實無能教士漸素食臨觴願有祝
早使羣黎安

題信可時經感尉帛圖

聖主恩如天賜帛一萬匹承之錦繡段重之踰金璧西風推
刀尺將為君子衣敷貼既勾調祭祭光陸離防胡猶未已行
役何當歸為君重着祭此地饒寒威

奉懷太史公用盡字韻

隆替有恒期會生曾當盡獨遭詎枉搆既往有餘愆哀彼草
昧初遺黎困戈盾英雄遠制據未暇分牲牝公來作著龜王
略見封畛下為宗社鎮下為邦國準游常揭日月鐘磬羅篋
奠諷諫陸賈多制作張華敏格夫誠密運血物涕潛噴氣回
窮冬溫力導大川別竭忠職嗣續維老辭疾灰請可樂桑榆

相從拾芝蘭安知事乖謬立造獨何忍顛顛萬里行流離闔
門殞所餘已無幾猶受饑凍窘自顧受深知無能效調賑是
非屬公議不以窮達泯終古仰大名昭回配箕軫紛紛榮辱
論百世同一晒三嘆秋風前目送高飛隼

鄰父攜酒相飲

夷惠俱可慕清和合天真汨子流俗中豈暇思古人抱拙恥
為佞遇物展殷勤雖無失已尤事過每自噴隣翁偶相訪延
坐列主賓為言秬田登願我嘗其新巨榼傾濁醪鷄黍雜前
陳持盃強勸飲禮率意態親顧子寡德業無以給比隣何情
及爾輩愧此風俗醇酒酣述往事所歷多苦辛却憶全盛時
無言指蒼昊世運有隆替玄造豈不仁父老且少安汝本三
代民九重敦政教萬幾盡經綸行當被嘉澤鼓舞歌聖神

二禽咏

鵲噪未足喜鴉鳴未須憂天道神且遠微物徒喧啾翰音善
司晨不免供肴羞鶴鶴至高潔所識惟林邱鳴鶴隘八荒但
為稻梁謀文彩羨孔雀繒繳或暗投况彼鴉與鵲志非衆鳥
儔質陋羽翮短雲霄非所遊性貪嗜飲啄逐逐不自休饑則
搖口吻向人如有求何能洞先幾兆與天心伴禍福有定命
所致各有由人理固坦夷鬼神良昧幽苟中存仁義自可無
愆尤何須浪悲喜為禽鳥詎請來魚慰韓愈惡聲感黃州好
怪失所守二子非英流吾方友千古運法孔與周考祥視素
履樂道以夷猶

敬次張南軒贈朱文公韻送董公

昔忝國士薦觀光帝王州強言顧問流汗對冕旒有詔試

文章下筆心懷羞退朝東閣下獲與夫子遊夫子燕薊來氣
貌何休休至尊重純德特為諸王留出入朝兩宮寵恩正綢
繆予時報聞龍歸飯田間牛升沉本命分出處非人謀安知
十載後握手染山幽蟲鳴月耿耿鴈度風颼颼話舊若夢中
一笑忘百憂况茲林泉窟足以寓冥搜仰看岷峨峰俯視江
漢流敬慎以為精忠貞以為勲居夷聖所欲勿憚道阻修

題董賢母卷後

南山有喬木柯葉敷重陰匪惟雨露滋土腴根本深董氏秉
孝義兄弟同一心構獲良足多先澤久浸淫卓哉賢母行鄉
邦迭嗟欽婦道盡恭睦庭訓肅規箴救殍磨廩粟收宗散籛
金生業隨日增善積祥慶尋繩繩益斯應玉立蘭芽森玄理
諒靡僭令德斯鑿臨垂裕既有始濟美宜自今永言引弗替

百世流徽音

應教恭賦靜妙軒

世故役羣動方寸如旋蓬孰知神妙理乃在玄默中至人本無為清明常在躬百念寂不起湛然與天通庶政或前陳聽斷每從容化原有餘地善應無留縱齋居樂康時爐熏颺微風忘言對縹帙端拱師黃農茲惟文獻邦富庶古莫同載敷嘉靖治會見臚時雍

宋五公

李文靖公

李公受平相雅識極淵永倦倦闕無告扣陛日有請格君古不易慮國存要領紛然土木興始悟先幾炳

王文貞公

盛德每多容平世喜迂怪公操鎮靜量不幸當其會神書祀河嶽王府窮賞賚昭昭知過心寵祿有餘悔

寇忠愍公

寇公社稷臣識遠才亦果張皇澶淵狩佞幸斷計在青衫老作吏赤子淚交墮宏謨雖不終亦足振媮惰

范文正公

布衣憂社稷此義古亦然桓桓高平志致主一帝前時屯道難合謗息名愈全繼明有良允千載陋羣賢

司馬溫公

傾否難承圖拯溺有遺巧肫肫反正力誠節作動寫昊羣邪競迴通善政恣紛擾廢興豈人謀千秋仰元老

訊瘡

孫君

尊生道不足衛生亦無由微痾忽相侵坐爲肢體憂凝冰集
寒氣挾續思重裘虐燄繼踵然締絡不願留陰陽各用事對
處天一呷如何兩相值追逐同仇讐弱質受摧沮有似中喝
牛有耳不解聰有目等無眸舌不辯辛甘鼻不別薰蕕耳目
口鼻官焦然共懷愁謂此果誰致試與天君籌吾觀今之人
紛紛劇蚍蜉日趨紅塵市夜醉笙歌樓緣情喪恒性縱欲戕
天猷告之養壽命大怒不領頭云胡反無疾健捷如猿猴方
子頗好道少以禮自修觀其居家庭未嘗暫嬉遊巨食不暇
飽夕夢孔與周生疾豈有端天君亦知否天君聞之笑汝言
理誠優子病始天意皆非汝愆尤惟天生俊哲蓋爲萬世謀
天欲扶三綱次欲叙九疇安能閉關臥繡首嗚啾啾孔孟處
衰世奔走推輪轉甯不懷復安此道難中休天令所賦授與

古豈不侔恐其不自強降疾警惰媮方子暫邁疾身疲面無
膏忍見萬赤子病者半九州子能憂斯民厥疾當自瘳苟徒
念一身壽考吾所羞耳受口以告目鼻涕泗流方子豁爾寤
百體頓和柔再拜紀嘉言可以垂千秋

次修德雜詩韻三首

通衢夷且直舉世所共知求端迷往轍顛躓終無歸達人解
至理秉心若明曦敬恭視盤鑑齋莊整裳衣昭昭奉一德暨
暨滅衆私爲仁諒茲在彼狂胡弗思
制變易爲失所貴謹未然本心秉靈德洞鑒蚩與妍譬彼達
海流出自山下泉積久諒益深雲濤鼓風煙始學誠已誤補
過幸有年力微道尙遠感此徒煩悃
神龍臥深澤不若抱養滋白日闕重陰不如寸燭輝賢豪初

未遇但覺吾道非紛紛當途子權勢衆所歸兩生困蓬蓬屠
販建旌麾斯事自苦然今人安足悲

初冬雨中獨坐

吾廬混人羣來往劇鼃黽頗欣夜雨來頓使縱跡屏滔滔流
水障悄悄耳目靜風窗試展書佳趣倏已領平生烟霞癖夙
昔慕箕顛抗懷軒冕上雅志星日炳甯知墮俗流泪没未獲
逞奇懷獨不忘幽念時自省英雄外身名曠士賤鍾鼎欲語
嗟莫同長歎碧林暝

雜詩四首贈嘉猷

伊周不治經董賈不言文宏謨塞宇宙高論追典墳如何未
代士操觚動成羣但要言辭好不顧心志分至道豈難行彝
倫人其間勉哉不遠復恭獻事天君

循循勇不逮頌頌善或虧古人患才難可以當世推自吾行
四方所見多有之豈之俊爽流未足慰我思聖道充天地其
微入毫絲非精莫能察非敏莫能爲致用貴不煩篤守在不
移由來賢哲事皆本純粹資顧予亦陋劣前微亦能追仰止
三友有過煩相規

操行一不慎坐取終身憂發言一不思或爲萬世羞過小莫
吝改進德勿厭修誰能百無爲自致孔與周

載籍彌九有羣言則毫毛棄道患術疎窮探畏心勞何由領
其要可使道藝高聖學亂百家未獲雜莠膏良農善別識培
溉復芸嫠取大成吾身致用同伊臯彼哉溝澮魚豈足連九
菴

次韻贈國亮經應

君侯首筮仕匹馬之幽井先子守東藩始結鄰壤盟甯知十
載後握手山中行鬢髮自欲盡韶光復潛聲話舊若夢覺痛
飲張華燈尚欣齒義敦愛余均父兄兩洗秋色淨羣山擁前
楹山鳥喜客來飛鳴似相迎緬思天下士公是世外英流俗
何所知紛紛好議評莫邪雖在土龍氣上迴縈自非水鑑識
誰知江海情談詩較李杜起舞笑絕纓太音久聞寥厭聽寒
蟲鳴麟鳳居空谷何由在郊坰處世媿郭泰通家慚李膺巖
樓倘有約相與乘榮名

雜詩四首

相如妙文辭高處無與敵多財為身累終老汗名蹟人生取
子際千載觀令德苟富何足論喪節良可惜
好名未知道古人有場雄著書欲傳世不暇修厥躬聖言德

之餘屈伸與天同哀哉大節廢豈足稱固窮

賈生信英才蚤識當世事身逢致治期遇主亦天意道高固
難合流俗工媿忌一死尚足多千秋想奇氣

幡幡市井人出納量錙銖積財至千萬侈然夸有餘華堂占
廣陌列肆遍通衢朝餐聚俠客暮飲羅名姝一朝與法遇家
破及妻孥金玉歸縣管不能贖其軀郭解既夷滅季倫亦門
誅安知字原憲窮巷歌唐虞

修德以詩寄次韻

藜羹淡無和腐粟春難圓羞將饋俗賓歡笑置子前子豈乏
梁肉對之每欣然云胡愁費我來往動經年子行信勞止吾
道良足憐深期抱嘉話不必打華嚴

抱疴百日臥欲言無與朋教教守一床髻脫影如僧豈惟形

容悴智識無由增補此不棄捐子心一何宏細人忌名軋俗
止為利嚮孰能使我慕君子固有所恒
營營苟得者忍以利易生狗欲逐忘反捐軀匪其情古人崇
仁義講切極粹精於斯弗自得握次垂紳纓貴有不足懷賤
有不足輕景公徒千駟子真豈其卿

再和并簡林音猷

夜光自有輝不因磨礪圓騏驎自致遠不以鞭策前古來知
道者天質固使然師友發其微成德在且年余少稍有慕今
也反自憐子誠肯開我嘉言著來牋
十年窮取友四海幾得朋豈惟得善徒及老與僧自昔得
王子勃鬱氣為增子才信已毅愧我德未及所患涉道淺未
免臨事惜何由與子談講習自可恒

溫溫我所愛處子有林生匪惟質柔嘉迥出遺世情從我南
山遊斷雪煮黃精共悲狙喜怒靜閱猴冠纓生也尚審思勿
言韋布輕魏魏孔孟業豈以為公卿

送一宗和尚次蜀玉詩韻有并

成都大慈禪師欲公一宗遊余皆笑會人雖所趨殊
途而相見萬里之外有足樂者今將暫還故山謹次
賢主殿下賜草堂長老詩韻以寓別情里中故人有
相問者幸為謝之

浮雲出山中浩蕩隨去來非有所係去亦忘所之若人釋
門秀矯矯孤鶴姿林泉三十年喜譽如波馳平生西方學所
繙未及施一册忽乘興來謁岷峨師微笑坐談空傾城走羣
緇遂令好事者懶問子雲香焚柏子細雨灑楊枝相逢

話鄉由塵尾不暇磨越蜀萬里途各處天之匪胡為偶至此
欲語忘其辭歷歷世間事皇皇鬢中絲迢迢無所製老大祇
自知巴江復舉棹故廬訪遺基散懷天台月濯足栖霞澗我
亦倦遊客歸耕有深期身在華山陽夢繞大海湄徘徊將何
說祇恐負明時

家兄寄中秋會飲詩因分韻述懷以答

時過不自惜長年轉多憂壯心若沸水湧激不少休念昔童
稚日此身自無愁良霄見明月喜躍如有求大舟方壽康諸
祖未白頭開筵羅廣庭疏果間殺鱸先公奉觴起叔父送獻
酬玉立西丘人文采皆琳瑯酒行聞雅歌鹿鳴和呦呦豈無
辨難言禮義皆先賦脫略輕萬事高視曠九州每與楚漢業
或誤良平謀奮袖時抵掌舉筋借前籌座間一季父豪俊逸

無儔慷慨煩纒起自許公與侯酒罷甯復眠長吟倚危樓夜
闌得秀句叩戶來相投我時被鍾愛兄弟其誰休席爲飲亡
酒輒笑牽衣留轉眼二十年存亡兩悠悠庭闈音容絕門戶
變故稿巢壞鶴上天雷行龍脫淋淋餘老仲父衰鬢對清秋
今歲月最好我適南山遊念情面尊相感歎盡有由伯氏欲
相寬新詩遞來郵發面清淚暗紙濕不可收承思舊所見一
往如川流于今會飲歡頗似昔日香我家勢運謬難與時人
侔譬彼百年屋不足施雕鏤願伯善扶持重使楹棟修庶免
傾厥虞自口蒙困寐我慮更懶惰樸學愧前修術疎何所成
言高每難譬空懷濟物志夢寐談孔周歲華易爲自晒等
浮漚長恐墜遺業上貽先人羞伯也幸閱我正救忽與允復
爲戒諸弟敦睦無相猶道德在詩書爲生視田疇天倫苟足

樂外物皆懸脫骨肉豈異人風波同一舟持家尚禮讓處衆
貴和柔堂構倚樹立椽杞加丹髻重還當時盛豈恃才藝優
世欲登虞唐吾將老林邱終期友愛樂黃髮叙綢繆深衷久
有懷對月偶歌謳歌竟視天宇寒光衝斗牛

寄好義

同鄉不相見動涉秋去春何意忽來翔會合當茲辰雄談有
遠趣文采驚世人譬彼隨和質衆國咸知彰陋俗之奇士懷
抱鬱未伸每思伊葛流磊落展經綸志大固難售心孤邈誰
親君來起我意頗覺氣爲振炳炳千古事悠悠三代民舉首
視大荒洋顏慚此身深衷非一端欲語未及陳胡爲復求去
重使別恨新夙負江海情恥爲兒女賢蒙日衰謝感歎易
悲辛涼風吹響海月露洗高良酒車自持飲言歸何所嘖

送友人之雲南教官

地遠會面難情深嗟別速今衝微雨去欲向誰家宿山城碧
雲裏弗舍清溪曲莫厭官寂寥終期化夷俗

巾山農望東錢克溫

月落江水明疎鐘發林杪濛濛山氣含歷歷川光曠渺靜夕
化機縱意羣動表悠然悟真趣忽覺天地小是身本無累萬
事相紛擾願釋經世情於茲共幽討

閒居偶題

雨歇堦草淨鳥鳴叢竹中偶無輪軌過遂與山林同晞髮庭
際日振衣松下風自舞捐世故誰得此相從

勉學詩

二十四首

殘燈結成花枯木化爲園洞客如此物秀氣終未盡人心最

靈智自秉獨何忍點門本安大梯倚多接引曾高愚魯資直
解配顏閔流年急如箭髮白難再髮及時不努力老大成癩
蠢

樹木生有枝子弟教及時七年異男女八歲分尊卑三五學
書計逢人多禮儀三五學射御四五加冠綬今來謾不省古
道當如茲欲作高台臺為爾竟作基欲求深深井為爾遠為
期不聞鄒孟學還自祖豈婦人材日衰少善保膝下兒

兒童聚嬉戲不離父母傍父母顧盼之百憂為爾忘惟此慈
愛心比同春日光陽和透地脈草未俱芬芳兒身已長大能
不念往時愉色與婉容傾心奉養難堪力何短父母恩甚
長

上堂拜父母甘旨事自他人願難包選相我相與樂死者魂

魄安生者恩義隆一門無一惡警坎生春風豈惟薰閭里上
聞天九重祥雲及膏雨滋我庭下松就云唐虞遠不得身遭
逢由來豪傑士世世皆時雍

謁請桑梓樹遲遲杖履音未贍父母顏已起恭敬心樹木手
折植杖履身所任此物猶是重况彼鍾愛深父愛我亦愛不
間獸與禽六親同骨肉何以能相侵

莫驅屋上烏烏有反哺誠莫棄池中鴈鴈行如弟兄流觀飛
走倫轉見天地情人生處骨肉胡不心會平田家一聚散草
木為枯榮我願三春日垂光照紫荆同根而並蒂謁請共生
成生成

妻賢少夫福于孝寬父心不知何人語相傳猶至今室家兩
相好如鼓瑟與琴一親豈不驩花木羅春陰雖云一樽酒共

酌還其料物情動相失安用儲千金家賤在婦德家繫有遺

音

內則記孝養檀弓著哀思寥寥三代音於此猶見之我欲繪
作圖豈乏丹青師丹青狀形體性情那可爲冬夏適溫清芳
鮮在盤匱二親未飲食如子渴與飢奈何報本心限以百歲
期飛鳥失其巢尚且鳴聲悲創鉅痛亦深衰麻交涕泫聖王
爲制禮進退隨天時千人萬人心一人心可知

樵人夏侯氏有女志獨高夫家盡蕩滅節義終持操榮華昔
共享禍患今同遭妾身偶生存志已埋黃高親戚勿訝我人
類異羽毛引刀斷鼻見義不見力至厚莫如地桑田變波
濤眞金不畏火見此女兒曹

結交須結心取士須取德南交金固鍊南士麟五色如何當

世人作事多傾側甘言轉相媚內險不可測青青好禾稼生
此螟與騰堂堂美少年化爲狐與賊

人心尖機在利欲日夜昏好苗莫助長惡木先除根斧斤一
時緩惡木何由斷莫畏根株深所慮筋力短

昔人語何少凶人語何多多言亦反覆簡默終無他可磨曰
圭玷言玷不可磨有口號談天有辨誇縣河心原一以放觸
物生偏頗悠悠百年內榮辱當如何

驅車入東洛策馬上西京所遇何表表莫非公與卿旌旄出
廣路百步辟人行前驅與後擁不絕如雷轟人生處困阨孰
不思寵榮此途良足樂此任苦不輕丈夫誓許國身作萬里
城永懷鼎足戒毋使公餽傾永懷鼎足戒毋使公餽傾

五行各異氣萬物無全材聲當配匏竹味則調鹽梅何器不

適用有根當復培山中多松柏城中多第宅孟嘗千金裘一
孤難取白

田單拜齊將卽墨乘孤危羣心效死鬪燕士不敢支一朝龍
祿盛借身思自持小敵竟不下大寇空若箕功名每如此樹
立終陵夷國家匪憂危籠爾將何爲動懷首風計退與災禍
期向非曾連子身死節亦虧

鸞鳳寡儔匹玉樹少枝柯貴人在高位骨肉苦無多輕車駕
駟馬妙舞隨清歌獨樂不如衆中心欲如何東家借一軸西
家求一核織成十丈幕周我堂之阿重親隔咫尺舉首如山
河

人生四海內同作兄弟眷一夫向隅泣滿座爲無歡豈我無
衣裳念爾饑且寒豈我無梁肉爲爾不能殮羣生本一原有

此側隱端明爲自汨沒功利自相殘辟如同母兒給之豆與
簞奪彼以與此終非心所安

飲馬長城窟窟中水無多秋風動百草水面亦生波長城備
外侮室內起干戈非關絕地脈乃是傷人和不見豐水上靈
臺鬱嵯峨前有犬雅詩後有秦民歌鋪塗得苦水流毒如江
河

黃河西北來云鳥鼠窟坻經行非一山回薄半九州上有不
測源下有無盡流萬化同此機不知幾春秋分明天地心不
爲淺狹謀癡人用小計顛倒若無求安得申韓民化爲古伊
周

布帛文被體粟救味充饑常人未識察往往爭好奇貪奇不
願寶刻成無當危大鈞播萬類瑣細各有宜得時易長養失

敘徒施爲哀哉楊朱淚滴向他路歧正途亦甚坦舍此將安之

蜘蛛解布網結蟻能轉圍萬物各有役何人得安然周公貴爲相仰思夜不眠仲尼大聖人易書三絕編孰謂我有耳不聞古所傳一聞敢自墮勇志如奔泉

好龍非真龍藻繪等兒戲懼虎思虎傷聲容凜然異六經豈虛文中有無盡意一從河出圖光景不可闕皎皎如日星悠悠在天地青編積元閣翻閱何容易曾參之一唯已往難再值

勸爾一盃酒君行莫匆匆君心雖欲速道路久乃通東可窺大壑西能越空同不憂歲月晚但憂筋力窮三年刻片楮九年成一弓制作雖云難爲藝則已工小事可喻大願言置胸

中

離離園中樹花開動無數或紅如丹朱或白如瑩素今日正自佳明農不如故易盛還易衰浮華眼前度物情何參差天地均雨露南山有松柏壽並金石固

方正學先生遜志齋集卷之二十三終 婁縣後學連城貴校

遜志齋集卷之二十三終